



Skrifstofa Alþingis – nefndasvið.
Austurstræti 8-10.
150 Reykjavík.
nefndasvid@althingi.is

Efni: Umsögn um þingmál 543, frumvarp til breytinga á lögum um velferð dýra.

Reykjavík 30.mars 2021

Vísað er til tölvupósts frá nefndarsviði Alþingis þann 18. mars s.l. þar sem óskað er eftir umsögn Ísteka ehf. um þingmál 543, frumvarp til breytinga á lögum um velferð dýra nr. 55/2013.

Umrætt þingmál gengur út á að banna alfarið blóðgjafir íslenskra hryssa. Um eitt hundrað íslenskir bændur stunda þessa búgrein af myndarskap en líftækniyrirtækið Ísteka er eini aðilinn á landinu sem vinnur verðmætt lyfjaefni úr slíku gjafablóði.

Greinargerð sú sem fylgir frumvarpinu er gerð af svo mikilli vanþekkingu að því miður er ekki hægt að svara henni efnislega af neinu viti. Því verður ekki gerð tilraun til þess hér. Fyrirtækið vill hins vegar reyna að greiða eins og hægt er úr þeirri upplýsingaóreiðu sem framlagning frumvarpsins og greinargerðarinnar hefur valdið.

Um fyrirtækið

Ísteka ehf. er nýsköpunarfyrirtæki sem vinnur verðmætt lyfjaefni úr blóði úr íslenskum hryssum. Nánast allar afurðir eru fluttar úr landi og skapa gjaldeyrstekjur sem námu um 1,7 milljarði króna í fyrra. Hjá fyrirtækinu starfa rúmlega 40 manns og um helmingur er háskólamenntaður.

Um leyfi og eftirlit

Ísteka starfar samkvæmt leyfi frá Lyfjastofnun og þar með á öllu starfssvæði Evrópsku lyfjastofnunarinnar (EMA). Lyfjaverksmiðja og verkferlar fyrirtækisins eru samþykkt af Bandarísku lyfjastofnunni (FDA). Fyrirtækið uppfyllir alþjóðlega GMP (*Good manufacturing practices*) staðalinn sem er viðurkenndur í lyfjaframleiðslu. Fyrirtækið er með starfsleyfi frá Umhverfisstofnun.

Ísteka ehf.
Grensásvegur 8
108 Reykjavík
kennitala: 611200-3150
VSK númer: 69786

Vefsíða: isteka.is
sími: 581-4138
gsm: 662-0028
netfang: arnthor@isteka.com



Blóðgjöfin

Blóðgjöfin er framkvæmd af dýralæknum að undangenginni staðdeyfingu og er undir opinberu eftirliti Matvælastofnunar. Að jafnaði gefur hryssa blóð fimm sinnum á sumri og aldrei oftar en átta sinnum. Alls eru blóðgjafahryssurnar á Íslandi um 5.000 talsins. Blóðgjöf er að hámarki 5 lítrar í hvert sinn sem rannsóknir hafa sýnt að er öruggt fyrir hryssuna.

Dýravelferð og gæðaeftirlit

Þessi búgrein hefur vaxið á undanförunum árum og nú eru um hundrað bændur í samstarfi við Ísteika. Unnið er eftir ítarlegri gæðahandbók fyrir blóðgjafir og gerður hefur verið sérstakur dýravelferðarsamningur við hvern og einn bónda, sem er einstakt á Íslandi. Þá starfar hjá fyrirtækinu sérstakur dýravelferðar- og gæðafulltrúi sem hefur aðgengi að þeim hrossum og aðstöðu hjá bændum til ráðgjafar og eftirlits.

Dýravelferðarsamningar

Dýravelferðarsamningarnir eru byggðir á skilyrðum Matvælastofnunar og Fagráðs um dýravelferð sem sett eru í samræmi við nýjustu lög og reglugerðir. Þar er meðal annars að finna sérstök ákvæði um nærgætni í umgengni og hvíld hrossanna, ákvæði um gott beitiland og aðgang að vatni og saltsteinum. Sérstök ákvæði eru einnig í dýravelferðarsamningnum um góða aðstöðu þar sem blóðgjöf fer fram.

Öll blóðgjafahrossin eru skráð hjá Matvælastofnun í gagnagrunninn World feng þar sem ábyrgðarmaður hverrar hryssu er skráður.

Fóstureyðingar blóðgjafahryssa eru ekki leyfðar og folöld ganga að jafnaði undir mæðrum sínum á blóðgjafatímabilinu.

Eftirfylgni með heilbrigði dýranna

Þá eru einnig í velferðarsamningunum sérstök ákvæði um að blóðgjafir séu ekki heimilar úr hryssum á bæjum þar sem hafa komið upp frávik við velferð hrossa samkvæmt Matvælastofnun.

Vel er fylgst með heilbrigði dýranna eftir blóðgjöf. Vandlega er haldið er utan um afföll á blóðgjafatímanum og eru þau um eða tæplega 0,1%, sem er sambærilegt við það sem þekkist hjá hrossum sem ekki gefa blóð.

Ísteika ehf.
Grensásvegur 8
108 Reykjavík
kennitala: 611200-3150
VSK númer: 69786

Vefsíða: isteka.is
sími: 581-4138
gsm: 662-0028
netfang: arnthor@isteka.com



Niðurlag

Þann 23. febrúar s.l. óskaði fulltrúi Ísteka ehf. eftir fundum með þingflokkum Flokks fólksins og Pírata til þess að veita þeim upplýsingar um hvernig staðið er að blóðgjöfum hryssa á Íslandi, en fulltrúar þessara flokka eru skrifaðir fyrir frumvarpinu. Hvorugur svaraði.

Líftækni fyrirtækið Ísteka ehf. vill árétta að öll starfsemi þess er háð opinberu eftirliti Lyfjastofnunar, Matvælastofnunar og Umhverfisstofnunar. Blóðgjöfin er ávallt framkvæmd af dýralækni að undangenginni staðdeygingu og rannsóknir hafa sýnt að hún hefur ekki neikvæð áhrif á heilsu hryssunnar. Afurðirnar og framleiðsluferlarnir eru einnig samþykktir af þar til bærum alþjóðlegum aðilum.

Þá er einnig rétt að halda því til haga að þessi búgrein nýtur ekki opinberra styrkja en fyrir utan rúmlega fjörtíu starfsmenn Ísteka ehf., hafa um hundrað bændur og fjölmargir dýralæknar tekjur af þessari starfsemi.

Að lokum bjóðast forsvarsmenn Ísteka ehf. til að koma fyrir Atvinnuveganefnd til að svara þeim spurningum sem enn kann að vera ósvarað.

Ísteka leggst eindregið gegn því að umrætt frumvarp verði að lögum.

Virðingarfyllst,

Arnþór Guðlaugsson
framkvæmdastjóri Ísteka.

Ísteka ehf.
Grensásvegur 8
108 Reykjavík
kennitala: 611200-3150
VSK númer: 69786

Vefsíða: isteka.is
sími: 581-4138
gsm: 662-0028
netfang: arnthor@isteka.com